



ԵՐԿՈՒՇԱՔԹԻ, 3 ՄԱՅԻՍ, 2021

ՏԵՐՈՒՆԱԿԱՆ ԱՐՈԹՔ

(միասնաբար արտասանուած)

Իմաստութիւն Հօր Յիսուս, Կուր ինձ իմաստութիւն վարիս խորհել եւ խօսել եւ գործել առաջի քո յամենայն ժամ. ի չար խորհրդոց, ի բանից եւ ի գործոց փրկեա վիս. եւ ողորմեա քո արարածոց եւ ինձ բազմամեղիս: Ամէն:

ՍԱՂՄՈՍ 34

ԳՈՂՈՒԹԻԻՆ ԱՍՏՈՒԾՈՅ ԲԱՐՈՒԹԵԱՆ ՀԱՄԱՐ

Անդադար Տէրը պիտի օրհնաբանեն.
անոր օրհներգութիւնը
շրթներուս վրայ պիտի ըլլայ շարունակ:
Տէրն է միակ պարծանքս.
թող փառապետները լսեն եւ ուրախանան:
Ճաշակեցէք, եւ փեսէք՝ թէ ինչքան քաղցր է Տէրը.
երանի՛ անոր՝ որ Տիրոջ կ'ապաւինի:
Տիրոջ երկիւղը ունեցէք, դուք՝ ով սուրբեր.
անոր երկիւղը ունեցողները ոչ մէկ բանի կարօտ են:
Եկէք, որդեակներ, մտիկ ըրէք ինձի,
եւ ես ձեզի սորվեցնեմ՝ թէ ինչ է Տիրոջ երկիւղը:
Կ'ուզե՛ս երկար կեանք ունենալ, կ'ուզե՛ս բարօր օրեր փեսնել.-
Լեզուդ չարախօսութեան մի՛ ծառայեցներ,
շրթներդ բնաւ թող նենգութիւն չխօսին:
Հեռու մնա չարիքէն, եւ բարիք ըրէ,
խաղաղութիւն կամեցիր եւ զայն հետապնդէ:
Տիրոջ աչքերը արդարներուն վրայ կը հսկեն,
ականջները միշտ պատրաստ են անոնց աղաչանքը լսելու:
Սակայն Տէրը հակառակ է չարագործներուն,
որոնց յիշատակն իսկ պիտի ջնջէ այս աշխարհէն:
Երբ արդարը օգնութիւն կ'աղաղակէ՝ Տէրը կը լսէ.
եւ զայն կ'ազատէ իր բոլոր նեղութիւններէն:

ՇԱՐԱԿԱՆ- ԱՐՈԹՔ

Տէր ողորմեա, Տէր ողորմեա, Տէր ողորմեա, Տէր ողորմեա:
Ամենասուրբ Երրորդութիւն, տուր աշխարհիս խաղաղութիւն:
Եւ Հիւանդաց բժշկութիւն, ննջեցելոց արքայութիւն:
Արի Աստուած Հարցն մերոց, որ ապաւեն ես նեղելոց:
Տէր ողորմեա, Տէր ողորմեա, Յիսուս Փրկիչ մեզ ողորմեա:

Պատիւս աննայնի Զրիստոս,
աջ քո հովանի լիցի ի վերայ իմ ի քուտ եւ ի գիշերի,
ի նստիլ ի փան, ի գնալ ի ճանապարհ,
ի ննջել եւ ի յառնել, զի մի երբեք սասանեցայց.
եւ ողորմեա՛ քո արարածոց եւ ինձ բազմամեղիս:

ՕՐՈՒԿՆ ՆԻԺԸ



ԱՌԱԿԱՑ

ԳՈՎԵՍ ԻՄԱՍՏՈՒԹԵԱՆ 8:13-36

Այս գիրքի սկիզբին ներկայացուց ըսելով. «Իմաստութեան սկիզբը, Տիրոջ վախն է»: Անցնող սերտորություններու ընթացքին նաեւ անդրադարձանք, որ այդ իմաստութիւնը ուրիշ բան չէ, եթէ ոչ նոյնինքն Յիսուս Քրիստոսը, ինչպէս պիտի ըսէ Պօղոս Առաքեալ. «Աստուծոյ իմաստութիւնն ու Աստուծոյ գործութիւնն է»: Առաւել եւս, այդ իմաստութիւնը ոչ թէ միայն մեզի յայտնուեցաւ, այլ նաեւ մեր մէջ: Եւ մեր մէջ յայտնուելով մեզի փալու նաեւ այդ իմաստութիւնը, եւ մեր միտքերը ըստ այնմ ուղղելու, որուն համար ալ դարձեալ Պօղոս Առաքեալ կ'ըսէ. «Կուգեմ որ Քրիստոսի միտքը ունենաք», այնպէս ինչպէս Քրիստոս պիտի մտածէր: Ահա այդ իմաստութեան մէջ պարփակուած է աստուածային խորհուրդը մարդուս փրկութեան: Շարունակելով միտքը, առաւել եւս այս անգամ աւելի յարակեցնելու եւ ըսելու համար, թէ «Տիրոջ վախը չարութիւնը արեւ կը նշանակէ», ինչպէս Դաւիթ Սաղմոսին մէջ պիտի ըսէ. «Հեռու մնա չարիքէն, եւ բարիք ըրէ» Սաղմոս 34: Հեռու մնալու հպարտութենէն, ամբարտաւանութենէն, չար ընթացքէն եւ նենգաւոր բերան ունենալէն: Որովհետեւ նաեւ բերանն ալ սրտին աւելցուքէն կը խօսի, ինչպէս պիտի ըսէ Քրիստոս Դուկաս 6:45:

14-16 համարները կը ներկայացնեն նախ որ Իմաստութիւնը ինք իր մօտ ունի, իրն են խորհուրդը խոհականութիւնը, հանճարն ու գործութիւնը: Մանաւանդ անով թագաւորները կը թագաւորեն, ու նախարարները արդարութեան կանոններ կը դնեն: Այսինքն ոչ միայն անհապական, այլ նաեւ հաւաքականութեան վրայ իր ազդեցութիւնը: Կը նշանակէ, առանց այդ իմաստութեան, մարդ արարածը ի վիճակի չէ արդար կեանք մը ապրելու, ու մանաւանդ ի վիճակէ չէ արդարութեան կանոններ դնելու:

Ահա յանկարծ այդ իմաստութիւնը կու գայ ինքզինք արտայայտելու ըսելով. «Ես կը սիրեմ զիս սիրողները» 17 հմր: Իմաստութիւնը, այսինքն՝ Յիսուս Քրիստոսը ինք սիրով լեցուն, համակ սեր, ինք սեր է, եւ այդ սեր կը յայտնէ անոր որ նոյն սիրով զինք կը սիրէ: Յովհաննէս Առաքեալ կ'ըսէ. «Սիրենք զԱստուած այնպէս ինչպէս ինք մեզ սիրեց»: «Զիս կանուխ փնտրողները զիս կը գտնեն» 17 հմր: Կանուխէն փնտրել, կը նշանակէ, ամէն բանէ առաջ զԻնք փնտրելու, կանուխէն փնտրել կը նշանակէ ժամանակ չկորսնցնելու եւ փոքր փարիքէն փնտրելու: Մանուկը իր ճամբան սկսած արեն:

Այդ իմաստութեան մօտ հարստութիւն եւ փառք կայ, այն ինչ որ մենք որպէս մարդ արարած միշտ փնտրաւորքը ունինք, հարստութիւն, փառք, բայց ուր եւ ինչ բանի մէջ կը փնտրենք, այդ իսկ պարճառով Իմաստութիւնը կու գայ ըսելու, իմ մօտս է այդ ճշմարիտ հարստութիւնը, ճշմարիտ փառքը, ընտիր սրացուածքը, ուր ոչ գող եւ ոչ ալ ցեց կրնայ գողնալ կամ ապականել 18 հմր: Իսկ այդ իմաստութեան արդիւնքը շար աւելի աղէկ է քան ընտիր ոսկին կամ արծաթը 19 հմր: Այդ իմաստութիւնը նաեւ մեզ կ'առաջնորդէ արդարութեան ճամբով, իրաւունքի շախտներէն, ու մանաւանդ՝ զինք սիրողներուն գանձարանը կը լեցնէ ու կը հարստացնէ:

Հերաքրքրական հատուած մըն է 22-31 համարները կը ներկայացնեն այդ Իմաստութեան սկիզբը, այսինքն անոր սկսելուն մասին, այլ խօսքով Յովհաննէս Առաքեալի բառելով. «Սկիզբէն էր Բանը, եւ Բանը Աստուծոյ քով էր եւ Բանը Աստուած էր: Ամէն ինչ անով եղաւ եւ առանց Անոր ոչ ինչ եղաւ ինչ որ եղաւ» Յովի 1:1-2: Մէկ այլ արտայայտութեամբ երբ կը կարդանք Աստուծոյ եւ Յօրի միջեւ երկխօսութիւնը, երբ Աստուած Յօրին հարց կու փայ ըսելով. «Ո՞ր էիր երբ երկրի հիմերը կը դնէի»: Ահա այդ իմաստութիւնը ոչ միայն անով սրեղծուած ըլլալու հանգամանքը, առաւել եւս Անոր ուրախութիւնը մարդոց որդիներուն համար: Այդ ուրախութեան մէջ կերտի ոչ միայն ստղծագործութիւնը, այլ Աստուծոյ պարբարարած փրկութիւնը մարդկութեան համար, որ նոյնինքն Իմաստութիւնը յանձն պիտի առնէր իրականացնելու համար:

Անգամ մը եւս յիշեցնելու գնով կ'ըսէ. «Ինձի մտիկ ըրէք, ճամբաներս պահեցէք, այսինքն ըստ այնմ ապրեցէք, իրաւոր մտիկ ըրէք, որպէսզի կեանք ունենաք եւ շնորհք ստանաք, իսկ զինք արողները մահը կը սիրեն, եւ մեղք գործողը իր հոգիին անիրաւութիւն կ'ընէ» 35-36 հմր: